

**LU WeN ANDO
WU BE KI'I Ə
BWI FI GHƏ**



Chris Oyakhilome, D.Sc., D.D

**LU WeN ANDO
WU BE KI'I Ə
BWI FI GHƏ**



Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated.

2nd Edition, 2013

Fifth Printing, 2019

ISBN 978-978-51521-0-4

Copyright © 2006 LoveWorld Publishing

Published by: LoveWorld Publishing

3, Adebayo Akande Street, Oregun, Ikeja, Lagos, Nigeria.

Email: info@loveworldbooks.org

Website: www.loveworldbooks.org

email: info@loveworldbooks.org

website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

CONTENTS

1. NKÀYNTƏ WÙ	7
2. WÙ SƏ DI' WU FI	11
3. NTSINƏ BENƏ WENƏ NYINGÒŋ Ə DI'I A WÙ!	13
4. WÙ DI' WU TİMƏ NYÌNGÒŋ!!	17
5. WÙ SƏ DI' ANKÀYN!	19
6. VƏ SHҢ LI WÙ WU LAYNƏ!	21
7. VƏ SHISƏ LI WÙ FA KEKOS!	23
8. KƏ ZHWI KƏ NYÌNGÒŋG KE TSI WENƏ W!	27
9. WU A NƏ ALE A ZHҢ TƏKWÒ'TƏ TƏ BYI TƏ VI A WU KƏTҢ A?	29
10. WÙ NƏ ALE AZHҢ A NDON SHƏ SƏ MU SƏ TÀŋKƏ TASƏ SƏ WU`A?	37
11. WÙ NƏ ALE AZHҢ A VƏ NYABLƏ NƏ WÙ BE KU NGƏ' A WU A?	43
12. KƏSHWÌ KƏ ĐWÒ'KƏ BÈ NEƏ WÙ!	49
13. WÙ DI'I Ə DYҢ TO A NGƏŋ NYÌNGÒŋ?	59

Dearly Beloved,

Congratulations on the free gift of eternal salvation, which you received when you accepted Jesus Christ as your Lord and Saviour.

I want to share with you truths that are fundamental to the Christian faith, truths upon which you can build a strong and vibrant life in Christ. Study this material diligently and it will yield for you an eternal harvest.

I pray that God will give you the Spirit of wisdom and revelation in the knowledge of Him, that the eyes of your understanding will be enlightened to realise how great is the hope to which He has called you, and that you will know all that is freely given to you in Christ, Amen.

This material will help you start off your new life in Christ Jesus. As you study it, look

into your Bible and study the scriptures yourself.

I believe that the message contained in it will change your life and help to shape your future according to the principles of God's Word.

God bless you richly, in Jesus' Name, Amen.

Pastor Chris Oyakhilome

NKÀYNTƏ WÙ

Wù chò wen ghenə a wù yenə la. Wù chò ngèŋ a ghə ki'i tətəfə tyè no tətsem (Ə tofə yen, əzhə, əkùmsə ,əmwòm kəfo ə be zhə kəlèm). A wù a tì wen wi di''tsu a ghə chò ngèŋ kətə wù, a di' kəzhwì kə a mu bònşə di'i nkàyntə wù.

Wi' a ghen di' wi' a nɔwà'lə Nyìngònŋ ə ga'a bi'i wen a mbì nɔwà'lə Bitə 3:4 : ***“A lì adi' wi' a ghə lyomtə li a wù a tyim kò ndi'a və zi və fəŋə wen tè nə fə shinə fə ghə ali ghə be chi tò la kù....’***

Sə tsèn wi' pɸə kò kəzhwì kəwen kə a pɸə
 bwèn. Kə bè sə di' tò ndəŋdeŋ ando kə ndi'i
 a wen a wèn a zhə a ghə ndi'i to alì ko ndi'
 la ghə le li kəfo ə chò la ghə zizi ko ghə bè
 nè kənyù a mbi a shèn bwèn.

Yeso Klisto mò ngàyn a ɲwà'lè Luk
 ə chwitə ɲjəsə ntɸə(16) bi'i vi' vəbò a və
 mpɸəkə. Wu tsen ndi' wù kənloyn ə zhi'i wen
 ə di' Lazalus. Kənyù a kə di'i a shèn ko di'
 la ghə ndi' wù loynə ali kə di' la ghə ndi' wù
 kəmfem.tsi ntsinə timə. Ando ghə mpɸə və
 lyì wen ghə dū a kəshi kəfoyn Ablaham. Kə
 kumtə kyì bè pɸə. Wi' a ghèn ndi' wu gho'o
 a mbi a shèn ko ndi' a ghə ntsi ntsinə timə
 bwèn.

Tu'tə yen a ando ghə mpɸə və bvimeə
 wen a mbi shèn, alì Yeso be nga' la ando
 ghə ndi'i a kwonj zhi' ghə tso'sə ashì wen ə

yen Lazalus a kəshi kəfòyn Ablaham ə bèkɪ wen. Kə di'i la ghə bo yenə. Ghə mù bè dzàŋ Ablaham ə ga' a wen la "ləmə gyamtə mo!" Wù yen la ghə zi ghə bo bè ga'. Ablaham bè bwensə ga'a wen ghə bè zhɥ gi wen, ə di' la ghə mbo be zhɥ.

Wu gho'o yi bè gà' la ə toŋ a mu zimə yi, a ko mu zimə tò toŋ mu zimə wen ghə bè zhɥ kəzaf. Ali ghə mù lòyn la "Ləmə mo'tə Lazalus ghə vì kù tò fədzi fə amù a mo mà zhùsə kədoŋ kom kə tsu." Mpfi kənyù di' a shèn ə və bè lye-kə di' la ghə mbu limtə.

Tətof tə wen tetsəm tə mbu shwè'e. Ghə mbo kwo'tə nyù bi'i ando ghə nga'a la, "Ləmə tim wi' fa lo'o vi' və pfɥ və ghə dɥ shə'tə kənyù kə Nyìngòn a və ləmə vwomə." Ghə nki' vələmə və lyumə la vətəyn a mbi shèn, ghə mu kwò'tə la sə tsèn wi' a ghə lù fa lo'o

vi'i və pfu və vələmə vəwen a bwimə wen.
Ghə mu kwò'tə li və ləmə və wen!

Ken kə nè vəghen la kəzhwi kə wi' kə ko
lu mpfu. Sə tsèn wi'i nki'i bwi fi ghə mu adi'
kəzhwi kə wen a və bwi a mfi

Və nɣà'lə vəbo və Kolintyans 5:17-18 **(NKJVga' la**

*'' Sə tsèn wi'i ndi' wenə Klistò mu ashi
wu fi, Ənyù muvə cho li, ənyù tsèm sə
di' tò fi luwen. Lu wen ənyù tsèm ə lù fa
Nyìngòn a ghə bwensə li nlyi və ghen
a wen a mbwi ə cho fa Yeso Klisto ə ku
shwè' a vəghen la vəghen ə gà'a nyù
vəghen tise*

Wù Sə Dɪ' Wɪ Fɪ

Lu wen ando wù ku li weə wu a Yeso Klisto a sə kɪ'i wen ki' wù, wù ko bè di' kəfo a wu ndi'i kəwen kə bwèn. Ɖkə' wu ko kwitə bwen, alì mu wu kwitə li fa wu a t̃ wen. A lèn kənyɛ ɲwà'lè Nyɪŋgoŋ ə gà'á. Wù ko fəsə wu fi fəsə bwen wù sù shi wu fi. (2 Kolìntyàns 5:17).

Və ko bwensə mbwom wù a mfi ko ndi' la və zu' li kəfo kətsen kə a wù wen andi wu nki' kə' kədyàŋ --alì wu di' wu fi, di' wu kədyàŋ.

Tò ndo wu di'i wu fi lì kə ko mu di'i la və lye wu və yenə kə' fi ghə a wù bwen. Sə tsèn ndi' la wù sə kwitə kətə kə mu kə be a sè tò alì Wu bə shwè'è tò shwè' a wù tə nshwè'è, di' tò ngwà' a wù tə ndi', vi'i ntə' wu bè di' tò vəwenə.

Kənyè a kə di'i kə di' la ənyè vwo kwitə li. Wù sə kigi ənyè fi və bi'i ando wù kwitəli fa tin.

NTSINƏ BENƏ WENƏ NYINGÒŋ Ə Dİ'I A WÙ!

Ə və bwi wù amfi, Nyìngòŋ ku li kedyo' a wu la wu di' wàyn wen. (John 1:12). Əwenə Nyìngòŋ ə di' mu və kwəsə li a wu kəzhwì. Wù ki'i ntsinə fi lu wen, Ntsinə Nyìngòŋ Yesso klisto ə ku no vi' vətsem a və bwimə a wen..Wù shi wi' a ghə sə zhi a ntsəntə wenə Nyìngòŋ. (2 Bitə 1:3-4).

Nyìngòŋg sə di' ti'i wù luwèn! Ale? Ə wi' ki'i kə ə Nyìngòŋ ghə di'i və bwi wen a mfi ali kənà' kə kənyə;bə bwi tò bə.

Alì Joyn 1;12-13 gà'a la³ "Ando ngho'o vi'i nshisə wen ghə ku kədyo a vəwen la vəwenə ndi' vunə Nyìngòn, te bè a vi'i vyi a və mbwimə a wen azhi':a və nko bwi, vəwenəa məlyəŋ, ko kwo'tə ndyòsə wen, ko a kwò'tə wi', ali bi'i kwò'tə Nyìngòn"

Nyìngòn ə tu'mə nə wu tò di'i nə vət'i' vwə. Wù di' wu ngwa'a wen, alì mu kəshi kə sə a kaŋ a kəshi a nkàyntə wen di'i tsu.

Nyìngòn shwè'è a wù. Ghə a ku fo a wù no tsèm a wu kəŋə bi'i ando ghə ko gho kəfo a wenə a tì bayn ə chò fa Yeso Klisto. (Philippians 4:19). Ghə ki'i ə kwò'tə juŋə ghə bi'i wù a ghə nzitə mə shwè' fa zhè a wu nki'i ə bwi fi ghə. Wù di'i wàyn ə kòn a Nyìngòn a ghə ki'i ə kòn, alì mu və bwi li wù a ngwà'a kòn, Ken di' no kənyè kə to kə. Ghə nku ə bwi fi ghə ghenə a wù ndi wu ndi wi' a wen ə a kəshi kəfòyn.

Dwà'lè Nyìngòn gà'a li ə mwetə la

Nyingòn ku li ə bwèn a ghə fanŋ tò ghayn nə mù'. Ə ghèn di'i ntsi a ghə sə di' a wù mu a nè Nyingòn andi ghə nè ghe ndi' kəfo a ghə di'i kəwen kə. Ə ghèn di'i nkyi ntsinə Nyingòn. Adi'i nkyi ntsinə a ghèn a ghə nè la Yesò Klisto pɸə və bvimə wen. Adi'i ntsinə la wù timə li fa pɸə. Ntsinə a ghèn mù sə di' a wù

“Alì ə kèn kə di' kənyù a və nyo'o; la Nyingòn ku li ə bwèn yi a vəghəŋ a ghə fanə tò ə ghayn nə mu' alì ə bwèn a ghenə di'i a wàyn wen, wi'i a ghə ki'i wàyn a ghenə ki'i əbwèn, alì wi' a ghə ko ki' wàyn a ghenə əko ki'i əbwèn a ghenə, mà nyo'o li nyù venə a ghenə la ghenə bwimə a zhi'i wàyn Nyingòn andi ə ki la wù ki'i li əbwèn yi a ghə fanə tò ə ghayn ə mu' ” (1 Joyn 5:11-13).

Adi' tò wi' a ghə ki'i wàyn Nyingòn a ghə

ki'i ə bwòn a ghenə, bi'i ando ə bwòn a ghen
nə lu tə sù di'i a wàyn Nyìngòng. Zhə a wu
shisə wen wu mù ki'i ə bwòn a ghenə.

Ntsinə a ghen nè la ko kənyù kə tsen
kə chò wùnno mpfen. Kə nè wù sə ti tò ambì.
Kwo'tə ə nkyi kənyù a ken kə. Və zì zi kò və lù
bibsə Nyìngòng ko ko zhì wen te be a kənyù
kətsen ke no mpfen. Luwen wù ki'i nkyi ntsinə
a ghen kəfo kə zi ko kə lù chò wù ko bibsə wù
bi'i fa mbwom la ndəṇdeṇ kə zhwi a kə nlusə
Yeso Klisto fa pfə be di' a wù. (Lumans 8:11).

WU DI' WU TIME NYINGÒŃ!

2 Colintyàns 5:21 ga' la “ ***Ghə nè wen ghə sə di' wù nè nyù bwivə bi'i vəghen, a ghə nki no kənyù ke bwi kə no nə mpfen andi vəghèn ə nti ankàyn vəghen və Nyingòŋ.*** ”

Kwò'tə la Nyingòŋ ə nè kənyù a ke di'i nə kəfo kə a wu so'o" bwensə zhìtə." Ghè nè Yesò ghə sə di' wù nè nyù bwivə (di'i nə kəku kə yenə ngə) a və ghen, andi vəghen ə ndi' vi' vətime və ə Nyingòŋ a wen. Alì kənyù a

ke nè Yesò pfə ə pfə wù nè nyè bwivə a wù
kəshi. Ə zhu'tə yi di' la wu zi wù timə a kə'
Nyìngòng lu wen ken nè su kətə, ə fayn ko
la wu ko kwə' (Hibùlù, Lumans 5:1).

Wù Sə Dì' ANKÀYN

Kə shwè'e la gho la wù sə dì'i ankàyn a?
Kə shwè'e la wù ko bè ki' no su kətə a kə'ə
Nyìngòng, wù ko be ki' no le kənyè. Dwa'lè
Nyìngòng gà'a la ***"A kəwètə la wù sə dì'
ankàyn ə chò fa wù bwimə,və ghen sə
ki'i mbwa'mə vəghen və Nyìngòng ə cho
fa bobo Yeso Klisto"***(Lumans 5:1 Wù sə
dì' ankàyn!

Yeso ə lyi li ngə'ə shò no sətsəm ando
ghə mpfə a fəko fə kəntò ko ndi' la ghə nki'

su kətu bi' kənyə kəbwi kə (1Bita 2:22). Alì kə
na' kə kənyə a Nyìngòng ko bè ki' no mbwi
tsen bi'i wù

Dwà'lè Nyìngòng gà' la,

*“Ə kwò'tə la Nyìngòng ə ndi'
wenə Klistə bwensə pfətə mbi
a wen awèn ko ndi'i ghə be
nyò'o mbišə vewenə a və wen
a tawèn alì ku ə shwè' la və
ghen ə gà'a tò kənyə kə mu'.”
(2 Colìntyàns 5:19)*

Və SHƏ LI WÙ WU LAYNƏ!

Və ghen zhutə tò fəshinə a lè la wu` fəŋ a nkwòn ə zu' kəmìn a wu a wen no nanto wi'i mvi ngha' wu fə fa nkwòn ayì kə li di' la "ghə nshisə wu fa nkwòn a yi." Kə kumtə kə kənyù a wu di'i nè di' la wù shə wen wu ə layn, a ji tsen, "kə di' la wu fə li fa nkwòn" ali kə lyè zhə bè nè kedyo' kə.

1 Colintyàn 6:11 ga' la

*"...alì və shù li wù, alì və nè li wù
sə di' ankayn, alì və shə li wù wu*

*layn a zhi' nè bobo Yeso, bi'i kə
zhwi kə Nyìngòn'*

Ə və shə wù wu laynə a di'i a jisə bò:
mbì kənyə di' la, Nyìngòn' ə shisə li wu fa
nkwong, ali kə di'i la və bwi li wù amfi, àli to
a zhə a yì ɲwà'lè Nyìngòn' nga' la və shə li
wù wu laynə; ə sə di' wù nə kwong fa mbi be
sə di' wù shwè'ə Nyìngòn'. Ali wù di'i ə fə fa
nkwong a ji la wu di'i ə ku ə kwò'tə wu ə və
shə ə chò fa ga'a Nyìngòn'. (Lumans 12:2)

Ə ki'i ə kwò'tə fi ghə di' kənyə a kə di'i ndi'
to məzhə ntsəm. Və nshitə ə kwò'tə wu la ghə
yen ə nyè to ji mu':ə yen əfo andayn mibu ghə
bwimə. Luwen ə ki'i ə kwò'tə fi ghə, wù nè li la
ə kwò'tə ə yen ə nyè a ji Nyìngon'. Wù nè li la
ə kwò'tə wu ə yen ə nyè to a ji Nyìngòn' ə yenə
, àli wu a ngà' gà'a Nyìngòn', jisə nyingong ə
bè ki'i ə se a ghə ki'i fa wen a gà'.

Və SHISə LI WÙ FA KEKOS!

*12 ku kəzòn a Tì' ando ghè ne li
ghèṇ, nkwe'ə ə gətə əfò vì a ghè
ghè a vì'i wen a kəshi kə baynə
kə. 13 Ghè bwoṇsə li vəghəṇ fa
tì kədyo'kə kəbəṇ kəfenəkə ə lỳt
vi nè vəghəṇ akəshi kə əfòyn ə
Wàyn əkòn əwen. (Kòlòsyàns
1:12-13).*

Ə lù fa zhə wu yi ku wen wu a Bobo Yeso
Klistò wù sə shi wi' a kəshi kəfoyn Nyìngòng.

No deblə ko di' a ghə lu fa kwong zhi' a ghə zi ghə lyomsə wù luwen. Və shisə li wu no fa nkyi məkàyn mə kò a wu nzhi, kò wu nki li ko` wù nko ki. Wù fù li no fa nkyi ntsinə ko, kò mbyi, a ghə ghan̄tə li a wù awen. Bi'i ghò? Bi'i fa mbwom la la və shisə wu` fa adyo'o kəbəŋ kəfenə kə.

Dwà'lə Nyìngòn̄ gà'a la shisə li wù fa adyo'o kəbəŋ kəfenə kəla kə ko be a bwòm wù ə be nkwītə wù wu ndə a wen a kəshi kəfòyn. Wù ko be d̄igi ə fayn no nə mpfen. Nyìngòn̄ di'i ntsiŋ wù lai ghə di'i ntu'mə nə wù no me zhù ntsèm. (Psalm 23:1).

Dwà'lə Nyìngòn̄ gà'a la " Sətsen Wàyn Wi' shisə wù fa kəkòs, mù wù li mù bwòn̄ to ghayn ə mu.' (Joyn8:36) Nyìngòn̄ ə shisə li wu ə kwensə a wen a kəshi kəfòyn. Alì kəshi a wù di'i luwèn ;ali kəshi a wu di'i ndi' tsu; və

tə shisə wù fa adyo'o kəbəŋ kə fənə kə. Kila
ken kə di' kənyù kə cho kə mu və tə shisə
wù fa adyo'o kəbəŋ kəfənə kə.

Kə ZHWI Kə NYÌNGÒŋ Kə TSI WENə Wù.

Kə nyù kə tsen kə a kə bè di' a tì ə bwi fi ghə ghenə di' la kə zhwi kə Nyìngòŋ kə sə tsi wen wù. A zhù kə zhwi kə Nyìngòŋ kə shi li wu kə sə tsi wenə wen, ghə sə bo'tə ashì wu a g'a Nyìngòŋ ə bè ku ə kwo'tə fi a wu bi'i mbi ghen.

Ando wù sə zi'i ɲwà'lè Nyìngòŋ, wu sə zhə nəkwon a wù kəzhwi, kə sə shwè'e a wu a ntsinə.

Kə nyù kətsen kə a kəzhwi kə ɲwò'kə

shwè'è di' la kə zɪŋtə wù nə gè'a Nyìngòn ə
 (Joyn14:26) Ə kwə'sə tsu kə di' la ghə ku
 kədyo' a wù ə wu ngà'a kə nyè kə Nyìngòn
 bi'i Yeso Klistò a nkàyn.

“Ghèn kɪ la, ghèn nə ki'i kədyo'
 a zhə a kəzhwì kə ɲwò'kə vì li
 a ghèn ə nshè'tə dyè nè ntɪm ə
 jùŋ ghom a Jerusalèm nè a Ju-
 diyano tsèm nè Samalliya benè
 təshyə tə mbi tèn no tə tsèm.
 (Shwè 1:8)”

WU A NÈ ALE A ZHŮ ...

*TƏKWÒ'TƏ TƏ BYŦ TƏ VI A WU
KƏTŦ A?*

Ə və bwi wù amfi ko mu nè la ko əmwomsə be vì a wù, alì wu ko di'i ə zhətə ə mwomsə, Dwa'lè Nyìngòng zì'i la və mwomsə vəghəŋ no a zhè ko, Nyìngòng bè di' jì a vəghəŋ a fù fa tsu. (Kolintyàns 10:13). A zhə təkwo'tə tə byitə vi a wu kətə, wu di:

(1) KŦ LA WÙ SHI KƏFO KƏ FI KƏ

Təkwo' tə tèn tə ə vì a wù di'i nə adyo' a ghə lù fa kəbəŋ, nkyi mwòm'sə tsenə ghə fa deblə. Wù ko shitə nyè venə a wù a

kwo'tə bwen no luwen ndo wu sə ki'i ə bwi fi ghə. Dwa'lə Nyìngònǝ gá'a la vèghəǝ (di' vi' vəbwimə və a və bwi vèghəǝ a mfi) ki əkwo'tə ə Klistò. (1Kolìntyàns 2:16) Wù di'i kwo'tə wi' a wu di'i wen luwèn, wu fi! Nyìngonǝ kəǝ la vèghəǝ ki la vèghəǝ sə shi vi' və fi və Ali mu ghə be ku ntsinə fi a vègəǝ. Ntsinə fi yi di'i wen a wù di'i ə bwimə tsu.

(2) ƏSHWÈ'È NƏ ZHƏ Gǝ

Zhə Nyìngònǝ! Vèghəǝ bwimə la kwò'tə bi'intsinə bwi ə vì li a wù a kətə. Kə sə di' la wù nè kənyə kəbwi kə:wù zi wù zìtə kənyə a kyì. Ali ə sə ndi' tsu ə mù bè kwo'tə la wù sə di' mu wù ki'i li ə bwi fighə; là wù shi wu fi, wù mù bè kəblə ə ki'i ə tyim ə mo'tə kənyə a kyì.

Zhə Nyìngònǝ! Yen a, ə ki'i ə bwi fi ghə kə mù di'i la təkwo'tə tə bwi tə ko bə a vì wu bwen alì kə di' la kə a mo'tə tə nsshwè'è a wù bwen. Tyen tə wen tə! wu tsen gá'a li la wù zi kò wu lə tà m məyin ə me tayn ə za'a

wu ali mu wu zi wù nè la ko mə shwè' alo' vøwen a wù kətɛ.

Wù zi ko tàm tɛ kwò'tɛ ten la ko tɛ be vi awù bi'i ando tɛ lù fa kəbənɔ ali mu wù zì wù nè la ko tɛ akwen a wù wen. Kə a mo'tɛ la təkwo'tɛ tɛbwi tɛ kwen a wu awèn, kə bwimə la tɛ zè'tɛ wù tàmə təkwo'tɛ bwi tèn tɛ nə təkwo'gtɛ tɛ junɛ tɛ. (Filibyàns 4:8).

Ghɛ la wù di' wi' a wù jè'è nè tɛdem a shi ali wù di'i ə nè dem tò nè wuwì alì di' wùlim. Wù mo'o ndisə wuwì ə bè shitə kətɛ ko tò nə kətɛ kə wuwì ə mu nè ə dem a yì bə gà'a to nè wuwì ali ko ndi' la wu a lyesə la wù di' wulim azhɛ a dem ayi mè li. Azhɛ a wù mwètə li wù bwènə dyù ə kwitə ndi a shi ə be mo'o nkàyn tɛ ndi shə ə be njè'è dyù wù. Ando wù nè dyù a shwè'è a bo'o ngənɔ a Mondè wù ko lutə sù lyè sɛ là wù di' wùlim. Wù ngà'a tò nə wulim be tsi to nə wulim. Andi' no kənyù kəfaynsə kə ə wù dyù a shwè' to nə wuwì

ando wu ndi'i ando wu nè ə demy i.

Ndənɗen kənyù ə nè wù luwèn. Wùtə nè ə shwe mibu ə ki'i ə bwi fi ghə, alì luwèn wù sə ki'i ntsinə fi. Ntsinə fi ayì di'i wen a wu di'i ntsi luwèn. Wù tə sə dem kəshi kə wuwì no fa keghaf zhɛ'ɛ tse ə lyesə wennə wu ə sə nè to nè wuwì. Alì wù be nkwò'tə la wù di' wùlim mbwənsə ə tisə wenə wù, "jo' mà ko di' wuwì; mà ko di'i a kəshi kədem, mà di'ə sùtə di' tò nkayntə mò!"

Ali' ji a wù di'i ə tàṃ ə tsinə bwi fa tsu. Ga'a wu'a ngəɗ la," Lye a, mà ki'i li ə bwi fi ghə. Alì nkàyntə mò!" Ko di' te nkyi ntsinə ko a zhù a wu kwò'tə (di'i wù a kwò'tə), MO'TƏ! Gà'a a wù ngəɗ la "mà ki'i li ə bwi fi ghə! mò'tə a fà'à.

Kə nè la mbwisə nkwitə kwitə fɛ wu wen, ə kəɬ kə kə a ndi'i ə wù shə'tə a wi' bigi wi'i a wenə wen di'i a nkyi kənyù ken." oh ma' shekə la mà zi ko ma bè nè nkyi kənyù ken b'i ando mà ki'i li ə bwi fi ghə". Ma'a ntsinə bwi ə shisə

ntsinè ə jùŋ. Nè ə nè wù kɪ kənyù. Kəŋə jisə
ntsinə sə juŋə ə fa ŋwà'lè Nyìngòŋ ə zì'i ə
wenə wu tsu ə be ə mwòmsə nè.

(3) Ə DÌ' WU NE, Ə SHÈ'È NƏ GÀ'À YÌ!

Nyìngòŋ ko kòŋ la vəghəŋ ndi' tò vi' və
zhutə və bwèn, ali ghə kəŋə la və ghəŋ ə dī'
vī'i a və shwè'è nə gà'a wenə

*“ali ghəŋ ə dī' vī'i a və shwè'è
nə ga'ako ghəŋ a ndi' tò vi' və
zhutə və bwèn lobtə təwen nə
ten̄tə. Sə tsèn wi'i ndi' tò wu
zhutə ke nè mu ghə dī' tò nə wi'a
ghə lyòmtə kə'ə wen fa ke kyi
ke a ashì : bi'i ando ghə lyòmtə
li wenə wen, ndyɥ ji wen ali to
azhɥ ayì ə benlyesə nkyi wi' a
ghə dī'i wen(Jems 1:22-24)..*

Ku kəzòn̄ kə Nyingòn̄ la kəzshwì kə
 ɲwò'kə sə di' a shèn; ghə gyàmtə la vəghəɲ ə
 kwò'tə ə ga'a ayi! Luwèn azhə wù kwo'tə ga'a
 ayi, wù di'i shwè' nè wenə ghə, Kə a nzhun̄sə
 wenə wu nè məkwò'tə, kəzhwi kə ɲwò'kə a
 nku ə kwò'tə a yi a wù, ali wù di'i zhətə wen
 a zhə a ghə vì nè nəmwe'è a ghen a wù.

(4) Kɪ LA MBWI KO DI'I CHÒ WÙ

Wù di'i kɪ kənyè kə mu' la; təkwo'tə tə bwi
 tə ko di'i so' wù a bwen la a mo'tə wù.

Mbwi ko di'i so' wù...." (Lumans 6:14).
 Mbwi ko di'i ki'i kədyo' ə so' wu, ghə ko di'i
 ndi' ə nè kwòn̄ ə toghə wù bwèn bi'i ando wù
 ko be di' a ti so' bwèn ali di'i a ti koɲ. Ali kənyè
 a ɲwà'lè Nyingòn̄ gə'a bi'i wù.

Nyingòn̄ shisə li wù fa adyo'o
 mbwi bènə kəbəɲ kəfenə kə,
 ə kwensə wù a wenə a kəshi

kəfòyn; “ə ku k;ezon a ti’,a ghə
 nè la vèghəŋ ə mbùmtə zhi a
 mu’u fa wen a fòyn nè vi’ vè
 ŋwò’və a bayn. :” (*Kolosyàns*
1:12-13)

Ali kəshi à wù di’i tsu luwèn, ando wù sè
 ki’i ə bwi fi ghə. Ali kəna’ kə kənyù a adyo;go
 mbwi zi ko ghə bè chò wù;vəwenə di’i a bə’
 mbwi ali wù di’i a bə’ ntsinə Nyìngòn a ghə to
 cho mbwi. Yen li vəwenə zi ko vè lù chò wù.

Dwà’lè Kolosyàns 1:14, ə gà’a la, “a wi;gi
 a ghə zen li vèghəŋ nè məlyun mə wen, ə bè
 lyesə ku mbwisə vèghəŋ.” A zhi gi Yeso Klisto
 vè zen li vèghəŋ, Ali kəshi a vèghəŋ di’i tsu
 luwèn (Efisyans 2:5-6) Vèghəŋ ko bè tənke
 tənke ə ki’i bwèn vè sè ki’! Vèghəŋ di’i ə ki ə
 Gà’a Nyìngòn ghen ə a nkàyn ə bè nsanlè tsu

Wù Nè Ale Azhà A...

*NDON SHƏ SƏ MU SƏ TÀDĶE TASƏ
SƏ WU`A?*

Luwèn ando wù ki'i li ə bwi fi ghə ,wù shi a ngwa'a fi. Wù ko bè di' a wù ngwa'a mu bwèn. Kə ko mù di' la wù mu nyiŋ ə ndon ə shə sə musə nènə vi'gi a wù tə zhimə wenə veəwenə bwèn. Wù di'i ndi' ə bayn a vəwenə. Vəwenə bò bu a a mfwinə bi'i ando vəwenə ko ki' Yeso a vəwenə a tətyim. Wù di'i ə ki la wù sə di'i ə bayn ə Nyìngòn a vəwenə. Gà'a kənyè kə Nyìngòn a vəwenə andi vəwenə ə ndzimtə Yeso.

Wù di'i ə nè ale a zhə a vi'i ə tanke ta'sə wu a? DWA'LƏ Nyìngòn ə gà'a la a lu ndi' ə tʰə ə bəm vi' və ta'sə və lu nè;no gho a vəwənə kwò'tə andi chə' nè nə mwè'è. (2Bitá 3:3-4).

Vi'i a və nè telə wù bè tanke ə nə la wù bwenə ə dyù a wu a ntsinə mu,ali wù ko di'i ə zhətə ə vəwənə jè'sə nə wù. Tyen jisə vewenəə timə a mu'u wenə Yeso .Tyen kə a njè'e "kə ghə kə mu' wenə vəwənə"Kə a nzhətə ətyiftə vəwənə. Bònsə timə ankàyn wenə Nyìngòn bè nə Gà'a wenə.

Ə WE Ə KON Ə MÙ' A Tə DWÌ TƏNKYI NYAMSə BÒ

ɲwì mə bwè'e fo ko tə ɲwì vəmbòn və bò və mù sə shwè'e. Nyam ashì mu sə jè'e dyù shwè'e dyə ando vəwənə jè'e a mu'u. Bi'i ando vəwənə nki' to ə kon ə mù',vəwənə sə jè'e dyù to a ji mù',no fe a nyàm ə mbi

Andi' no fa mbì ando vè zìtè sè shwè'è sim nè nyamsè wù sim zi ghè we tè koŋ a ŋwi nyamsè bò, zhɛ'ɛ tsenè ghè, a yi dyè ghè kènkùmtè a bo'sè. Ti sim a yi mu di'i ji a sè wensè, sè mù sè dyè to ji mù' ando sè nki'i tò èkoŋ mù'.

Sè tsèn nyam a shin di'tò mæbwè'e afo mu è koŋ vèwenè è "zhimè li", sè tsèn ghè tsen è ndi' fæmbwè'è afo ghè tsen di'i mbòn mu è koŋ vèwenè "ko zhimè" (bi'i ando a ko yi ndi tò nkyi nyàm mù' bwèn). Sè tsèn vè ghèŋ ndi'i jè' wenè wi', a di'i ndi' wi' a "ghèn vèwenè è zhimè" wu bwimè wenè wu bwimè jè'è a mu'u. Ali Nyìngòng gà'a la kè a nè'è a mu'u wenè" vi'i a vèwenè ko timè bwimè bwèn. " (2 Colintyàns 6:14-16).

Sè tsèn, wenè wi' a ghè ko bwimè è jè'è a mu'u , be tsi ntsinè mu' mu ghèn li kpo ki'i v è koŋ mù' ali ken kè ko bòn. Nyìngòng ko koŋ è yen wù a nkyi ji a ghen, wù di'i nè'è to

ji mù' wenə vi' və bwimə və,shwè'è yò kənyù
kəmù',. Vi'i a ko bwimə zi ko və lu ndi' vi'i
ndonşə wù və jùŋ wù bwèn. Kòn wi'i ə nè ə
nyù jùŋə və te ale ko ndi' la ghə timə ki'i ə
bwi fighə, ghə zì zi ko ghə lù ndi' wù ndonşə
wù jùŋ bwèn.

A ko di' kənyù a kə zi kə shwè' ko və
bwimə a kə' ə Nyìngòn bwèn,bi'i ando kə
ko jè'e a mu'u bwèn.Ji a wù lyè wi' fa tsu zi
ko lu za'a a ji a nyìngòn ə lyè fa tsu bwèn.

Tə'ə tsenə ghə, Nyìngòn tim Samwel a
ngəŋ Jesse la ghə dyù ə zù wàyn wen tsen
a fòyn vi'i Islel (1Samwel 16:1-13). Ando
Samwel ə yenə wàyn mbì, Jesse Elyab
,Samwel mù gà' la "Nəmwè'è ghen di'i wen
a Nyìngòn zu' li" bi'i ando ghə nki'i wen, jòfə,
alì be ki'i əkə'.Alì Nyìngòn gà'a a Nshə'tə yi
la "Kə a zu'u wen, bi'i ando mà tyen li wen"
Alì Ghə mù bè gà' la "wi'i ə lyè to fa kə' ali
Bobo lyè fa tyim, wù tyì wèn."ali ji a wù lyè

wi' fa tsu di' to fa kə'--ə nyè aghə gà'a, ji ghə kè'è, ji a ghə jè'è....wù zi wù ki'i no tə kyi tə kwò'tə tə kò bi'i wen a nyè venə a wù lyè la, ali Nyìngòn bòn̄sə lyè ji a tyim ə wen ə di'i fa tsu.

Wi'i a ghə ko timə ki'i ə bwi fighə ko ki' kəzhwi kə timə kə wenə Nyìngòn, Jì wi'di'i nti tsu ankàyn wenə Nyìngòn di' la ghə di'i ə ki'i ə bwi fi ghə. Ali zhə wi' a yì di'i ndi' wù ndon ə wù jùn. Ghə fàn̄ ke ki'i ə bwi fi ghə ko ghə a ndi' wù ndon ə wu jùn bwèn; ghə ko di'i a jisə timə sə Nyìngòn. Luwèn ando wù ki'i li ə bwi fi ghə, ə kwò'tə wu di'i ndi' la wu nè Nyìngòn ku'mə, kə ashwè' a wù a jisə. A di' no kənyè kəto kə. Ghə ə tyim ə wu a nyè Nyìngòn ghə a lye wù no nyè tsəm. (1 Colìntyàns 10:13).

Wù Nè ALE AZHÙ A...

VƏ NYABLƏ NƏ WÙ BE KU NGƏ' A WU A?

A ɲwà'lè Mak 4:1-9, Yeso shè'tə fətitì fə wi' a ghə ndyù we fo. Ando ghə ndyù we fo venə ə tsevə fəŋkə a tə ghu, ə tsenə və a nse tò, ə tsenə və s tyi kənywà'tə ali tsenə ve a nse jùŋ. A ntəmə 16 benə 17, Ɖwà'lè Nyìngòn ə gà'a la

” Ali vi'voesenə və di' tò nə ashí yi a ghə mfəkə a təghu li; ando, vəwenə ə zhù kə nyù kə Nyìngòn, vəwenə ə shisə tò

*shisə nə naynə; ko ndi'i vwenə
ki'i aghaŋ kə shwè'e vəwenə tò
fəshinə alè:sə tsèn və zhuŋsə ko
nyablè nè və wenə bi'i kənyù kə
Nyìngòŋ vəwenə sə fwisə tin."*

Ghə gà'a bi'i vi'i a vəwenə ko ki' aghaŋ
ngeŋ ə vəwenə.ə zhɥ ə zhuŋsə ə vi a
vəwenə, vəwenə ə chi'i ə tyim tò fəshinə alè.
Ghə gà'a la nkyi vi'i venə ə zàŋsə shisə kənyù
kə Nyìngòŋ, ə zhɥ ə zhuŋsə ə vi bi'i kə nyù
kə nyìngòŋ a kèn vəwenə ə fwisə tin. Kənyù
a kèn ə fəli no nə vi' və ghə'və.

Kənyù a Yeso ga'a shèn di' la vi'i di' no
vəghə'o və ko lu tə su ki'i ə kòŋ a wen bwèn.
Vəwenə ə kòŋ ə Gà'a Nyìngòŋ bi'i ando ghə
ga'a bi'i ə bwòn ə ghə lu faŋ tò ə ghayn ə mu',
nə nàyn a ghə di'i tsu bènə la wu sə tsèn ə
jim və a bwènsə ə jimə wu, aki ko vəwenə ;e
lutə sù ki'i ə kòŋ a Nyìngòŋ bwèn. Sə tsèn
ə zhuŋsə vi a vəwenə ,vəwenə ə kyemə

kə nyè kə Nyìngòn a kyì. Ə kèn di' kənyè
 kəshe'kə kə! Sə tsèn ə zhuŋsə ə vɪ a wù bi'i
 kənyè kə Nyìngòn , wu bònjsə di'i ə bo'sə tò
 gà'a Nyìngòn.

(1) WÙ DÌ'İ Ə KÌ'İ Ə KÒŋ Ə TÒ GHƏ A NYÌNGÒŋ

Nyìngòn ə kəŋə la wu ki'i ə kòŋ ə to ghə
 a wen. Ə kòŋ zi ghə kwi ko ghə faftə. Ando
 wù zàŋsə kwò'tə bi'i ə wen ,zhutəə gà'a
 wen be zhimə wenə wen a jim, kə di'i ando
 ə koŋə wu di'i ə nto a wen, bi'i ando ə kòŋ ə
 kwi ando vi'i ə zàŋsə zhimə. Ando wu zàŋsə
 zhimə wenə Nyìngòn adi'i ando wù a kòŋə
 ə wen. Ando wù zàŋsə zhutə ə gà'a ə wen
 adi'i sndo wù a tù'tə koŋə ə wen, a be di' tò
 ando wù a shisə wen.

Ando wù ki'i ə kòŋə ə to ghə a Nyìngòn,
 Ə Gà'a wen sə ki'i aghaŋ a wù a tyim, sə
 tsèn kəyè kə nchò wù wù a ki kəshi kə wen
 kumə kənyè a kyì ali wù be a ə zàŋsə shè'tə

kəshi kə Nyìngòn kumə kənyù a kyì.

Dwà'lè Nyìngòn ə gá'a la ə bwòn nlè ə pfu ə di'i a kəlyimə (Plovebs 18:20-21), ali wi' gá'a tò kənyù a kə fù fa wenə a tyim (Matyo12:34-35,37). Ando ə tyim ə wu lwin nè kənyù kə Nyìngòn kə, koŋ a nè tè gho,wù a yenə ənyù tò a ji Nyìngòn be gá' to ali. Ali kənyù kyì a kwù'!

(2) Kə A MÒ'TƏ!

Wù ko di'i ə mò'tə a zhə a ngè'sə fù! ə ki'i ə bei fi ghə ə ko mù di' la ngè'sə ko bè a nkwə'w wu, ko tə mwòm sə tə ko be a mvi a wù. Kə di' la no ghò, ko tè nkyi ngè' ko, Nyìngòn a nè ə wù fə fa yi a tin to ankàyn. Ando kə di'i a ɲwà'lè Psalm 23:5:

Nyìngòn ko kòn là wù mò'tə. Wù di'i nto! Koŋ ə nyù ə nto tə ale kə a mo'tə! Nyìngòn a gyàmtə ə wù fə fa tsu, kə a bwa'. Ə zhə tò fa Wen a ghə ko ku kətə kədi'i kə a wù ko mò'tə wù. Wù a zhi no nyù tsèm a wù a ntsinə bi'i

ando vè andi' a wù a tyi Nshè'tə Isaya gà' la
 zhə a wù jè'è a mù, mə ko lyen̄sə wù tə zhə
 wù chò fa tì zhi' ghə ko nyù'. Ando wù bo'o
 sə Yeso Klisto, shwè'è a wen nə tyim ə wu
 no tsèm; bo'sə wen koŋ a nè tè ghò

*Ali ku kəzònŋ a Nyìngònŋ a ghə
 nè vəghəŋ ə zhi ə ghon ə chò fa
 Bobo Yeso Klisto. A kəmwètə,
 a ləmə vwomə, ghəŋ ə nto tò
 la ntin̄, kə a nè'kə, ə ndi' tò a tyi
 shwè'è ə Bobo, bi'i ando wù ki li
 la ə shwè'è ko lu ndi' kədyànŋ a
 zhi'i Bobo" (1 Colintyàns 15:57-
 58).*

*Byi'ando no wàyn Nyìngònŋ ko
 sè ki' kədyò' è zhi mbi, ə cho
 fa ə byimə vəghəŋ a Klistò. (1
 Joyn 5:4)*

Yena, Nyìngònŋ nè vəghəŋ ə zhi ə ghon ə

chò fa Bobo vèghəŋYeso Klistò, alì, vèghəŋ
ko bè ki' no kənyù ə lè.Zi'i 1Joyn 5:4 no ankà
ghə ga'a bi'i ə ghon a ghə nzhi li mbi ghèn
no tsèm, adi'i ə bwimə vèghəŋ. Tsi a bwimə;
wù zhi li no ə nyù tsèm, wù ko lè kə fo bwèn.
Və nsə bwi wù mu wu zhi li no nyù tsèm, bi'i
ando və bwi wu a zhi'i Nyìngòng. Wù di' wàyn
wen, mu və bwi wù a kə zhwi!

Kəshwì Kə Ɔwò'kə BÈ NEə WÙ

Ə ki'i ə bwì fighə, di' la və bwi wù a kəzheì Nyingòŋ (1 Colintyans 12:13, Joyn 3:5-8). Azhə wù ki'i ə bwi fi ghə. Kəzhwì kə Ɔwò'kə sə di' tò wu a tyi wèn bènə a wu a ntsinè, wù di'i e tù'tə ki Wi' a ghə di'i wen ə bè ki shwè'è wen a wù ntsinè.

Wù di'i ə tù'tə ki kəfo a kəzhwì kə Ɔwò'kə ə vì kù a wù, andi wù nzhè amfwom ə gho' yi a ghə di'i to Klistò ə bè ki'i kə ku (1 Colintyans 12:8-10) bènə kədyo' kə (Luk 24:49, Shwè' 1:4-8) a wù ki'i ə chò tò fa wen

KƏZHẀÌ KƏ ƆWÒ'KƏ DÌ' NDÒ?

A shi a shi a tyì Ɔwà'lè Nyìngòṅ və gà'a li bi'i kə zhẁì kə Ɔwò'kə.

- A Ɔwà'lè Məkàyn mə mumə və ghəṅ ə yenə wen ghə ku kədyo' nə tə nkyi tə nyè a vi'i so'o nso' və fi və venə a və ndi'i tsu la. (Ɔwà'lè vi'i So' 14: 6, 19).
- A Ɔwà'lè Məkàyn Mə Fi Mè, və ghəṅ ə yenə wen ghə to tò la ntij , əshwè' bènə ntsinè Yeso (Luk 4:18)
- Və bè yen Kəzhẁì kə Ɔwò'kə a Ɔwà'lè shwè'2:1-4 ghə shwè'è a ntsinə sə ndzimtə sə bàm ə Yeso.
- Ghə di' Nyìngòṅ, Ghə di' wu Ɔwò'ə, di' nuba ta' a tintin vi' və ta' və ki'i tò ə kè'ə mù'(Joyn 14:16-17, Joyn 15:26).
- Ghə ndi' no fa kənzitə (Genesis 1:2).
- Ghə di'i kədyo' kə Nyìngòṅ. Aji tsen ghə di'i ə shə weṇe Nyìngòṅ a ghə mwètə nè no gho a nyìṅgòṅ gə'a (Genesis1)

- Ghə di' Kəzhwì kə kòn, kədyo' nè kwò'tə jùñə ghə(2 Timoti1:7).
- Ghə di' Kəzhwì a kəshisə vi'i fa kəkos (2 Colintyans 3:17).

KƏFO KƏZHẀÌ KƏ ƆWÒ'KO DÌ'?

Kə di'i və tu'tə kɪ la kə zhwi kə ɲwò'kə ko di' ko di' ɲàɲ, əfwof məzhi' ko kə lato. Fa ɲwà'lè Nyìngòn kə di'i a nchwisə ghèn. Ghə ko di''' tə gà'', ali ne' la vi;gi nga'a, ghə ko di''' kədyo' '' ali ghə vɪ nè vəghəɲ a kədyo'o Nyìngòn. Ghə ko di' kəzhwi kə nè la wù nki'i ə fàyn (Lumans 8:15), ali nè la vəghəɲ fə fa kəkos (2 Colintyans 3:17).

Kə NÀ' Kə KəNYÈ A VəGHƏƆ DÌ'Ì KÌ'Ì Kə ZHWÌ Kə ƆWÒ'kə?

- Kə zhwi kə ɲwò'kə ə ku kədyo' əmbwà'mè a vəghəɲ (Shwè' 1:8). Gɪ ghèn la'' kədyo la''' və kwitə fa gà'a Glik ghə sə shwè'è la ''jisə bwa'mə sə ə kwitə kənyè fatsu. Sə tsèn

kəzhwì kə ŋwò'kə ə ndi'i a vəghəŋ awèn. Ghə ku jisə bwà'mə sə ə vəghəŋ kwitə ntsinəsə vəghən tsu.

- Ghə ku ə tyim a vəghəŋ gà' kənyù kə Nyìngòn. (Matyo 28: 18- 20, Mak 16:15-18).

- Ghə tu'mə be di'i ji a vəghəŋ (Joyn 16:13, Lumans 8:14).

- Ghə nè la vəghəŋ ndi' nè mbwà'mə be ki' no gho a vəghəŋ ə kəŋə (Joyn 14:18, Shwè' 9:31).-Ghə tyiftə bè di' sə vəghəŋ (Joyn 14:26, 1 Colintyans 2)

- Ghə jè'è wenə vəghəŋ be shwè'è no a nyù tsèm a vəghəŋ ə ə shwè'è (Joyn 14:16)

- Ghə ga'a wenə kəzhwi kə vəghəŋ a Nyìngòn la vəghəŋ di' vunə wen ali di'i ndi' a wenə atyì ghò'a zhi'i Yeso Klisto. (Lumans 8:16; Efisyans 3:6).

- Ghə ku ji ə vəghəŋ dyù a kè'ə Nyìngòn nè kòŋə. (lumans 8:15, 2 Colintyans 3:17; 2 Timoty).

WÙ ZI WÙ ZHİMƏ WENƏ KƏZHẄÌ KƏ ŊWÒ'KƏ.

A ṇwà'lè Joyn 14:17, Yeso ga' la ,

*“Tè bè kəzhwì kə nəmwe'è; a
mbi zi ko ghə lu kɪ'i, bi'i ando və
ko kəŋ kə wen kə, ko ndi' la və
kɪ li kə wenkə, ali wù kɪ wen, bi'i
ando ghə tsi wenə wen, di'i nè
ndi' wen wù.*

Ə nzhimə wenə kə zhẄì kə ṇwò'kə wùc
di'i ə kɪ la Kə di' wenə wen ə be kɪ ə shwè'è
wen a wù a ntsinə. Wu; di'i kɪ'i ə zhə wenə Kə
Wen kə zhimə wenə Kə Wen kə ə bè tu'tə
kɪ Wen di'i nə wu ndòŋə wù. Wu' di'i nzhimə
wenə Wen a ji sèn sə ə lyì ə zhə ə jɪm, zi'i ə
gà'a Nyingòn be zhətə kənyè a kə zhẄì kə
ṇwò'kə di'i gà'a a wù.

Sətsèn vəbwi wù a mfi, wù shì mu a

kəzhwì kə ɲwò'ə kə Nyingòn. Əshi mu di' la
 və shi'sə wu a ti kətsəm. Nchwi yi di' la, wù
 zi wu lyi fəmbiɲə biɲə fə loba ə shwesə a tyi
 amù a ji la mu a chi'tə kə wen kə no kətsəm.
 Adi' kənyù a kə fù nè wù a zhə a wu ki'i ə bwi
 fi ghə- və shwe sə li wù , tò nè fəmbiɲə biɲə
 fə loba fi a ti kəzhwì kə ɲwò'kə.

Ali wù ki la, adi' kənyù kəmù' a fəmbiɲ
 mbiɲ a fi wə mu mə chitə wen a bè di' kənyù
 kə nəkwon ə mu mə lwin tsu e; bə chi'tə wen.
 Ə mu mə lwin a fəmbiɲ fi ji di'i ndi' ə mu mə
 kwen a yi tin, a ji tsen ə fo a və shitə fəmbiɲ
 mbiɲ a fi di'i ndi' ia ji la mə di'i ə nè mu mə
 kwen a yi tin. Ndəɲsə ando wu ki'i li' ə bwi
 fighə, wù di'i ə be ki' i kə zhwi kəɲwò'kə be
 lwin sə wù.

Ə kwə'sə, ə lwin nè kəzhwì kəɲwò'kə a ko
 di' kənyù kə kətsi kə mù' a wu ntsinə bwèn.
 Ali a di' kənyù a kə di'i tò məzhè ntsəm bə
 di' tò mə tsi ntsəm (Efisyans 5:8). Kèn kə di'i

ə nè e wù kɪ la Gh;e di'i wen nè wù tò mə
 zhù ntsèm ə bè bwimə ə shwè'è wen Wù
 ntsìnəWù di'i ə lwin nè kə zhwì kəŋwòkə,
 a zɦ a a wu zɦimə wenə Kə wen kə ə chò
 fa kù'sə, ə jɪm, ə nzi'i ə zi'i ə Gà'a Nyìngòn
 no mə zhù ntsèm be zɦ tə kətyiftə ke Wen
 nə nyè a ghə ku a wù. A ji ghèn kə Zɦwì kə
 Nyìngòn kə a di'i ji a wù.

Θ GÀ' TƏGA' Tə KESHWÌ.

Ando mà yì gà', Kəshwì kəŋwò'kə ku
 kədyo a vunə Nyìngòn ə və wenə ə ngà'a
 təga' tə Kəshwì. Nchwì mù' a Bobo nga'a la
 vunə Nyìngòn di'i kɪ'i di' la vəwenə di'i ngà'a
 təga' tə fitə (Mak 16:17).

Wo kèn kə di' kənyè kə kəzhwì a be di'
 kənyè a wu zi ko wu lù kɪ nə tofə ngenə wù
 a be di' ji a vi' vəwbwì me və ga'a wenə və
 Nyìngòn fa tsu. Alì a ku tò kəzhwì kənwò'kə

a wù.

Ə ngà'a tęgà' tə kedyàn zhù'u tsenə ghə kə di' la wù sə "Jimə a Kəzhwi". A zhə a vəghəŋ ə gà'a tęgà' tə kedyàn vəghəŋ ə gà' tò fəchi' a Nyìngòng (1 Colintyans 14:4) kəzhwi kə vəghəŋ kə kwì (Jude 1:20). Kəzhwi kə vəghəŋ kə sə ki' kedyo' kəfi kə. (Isaya 40:31).

Sə tsèn wu nki' kəzhwi kəŋwo'kə, wù zi wu ga' teə gà' tə nəkwonj no a zhè kò, ghə ko ga'a chò fa wù bwen alì Ghə ku kədyo' ə wù ga' alì wù zi wu ga'a a Bobo ga'a kədyàn no zhè ko a wù koŋə.

Ando wù zità li ə sə ga'a ə ga'a kədyàn, wù ne ngà'a no a nkàyn a zhè a wù mwomsə no mezhè ntsèm. Wù di' to nə wàyn ə bwa' a ghə bo zità tò mə gà'. Ando ghə mwòsə gà' a nè sə la'tə ghə mu ngà'a ankàyn. Adì' tò ndəŋ ndəŋ a zhè wi'i ə gà'a təga' tə kədyàn.. Adì'i ə ga'a ə fighə ko ndi'i wù di'i ə zi'i wenə ghə. Wù nə ngà'a no ankàyn a zhə a wù a

mwòmsə ngà'a.

Ando wù a nga'a tégà' tə kədàyn tə a
gyàmtə wù ə wù kwi a kə zhwi ə bè nè wù
ki'i məku me ntsenə kəzhwi kə Nyìngòn̄ kə
be nshwè'e a wù.

Wù Dɪl Ɔ Dɪ̀ To A Ngèŋ Nyìngòn?

A ɲwà'lè Matyo 16:18 Yəso ngà'a bii ngèŋ ku'sə wen, adi'i ə Wenə Wen a mbi,ə be gà' la yi ne bwom ə wen ko ndi'i jì andi' a kənyè kəbwi kə cho wen no mpfen.

“Ando ə wenə ədi’ to kənyè kə mù’, be ki’i əzhùŋ to anchi, ali əzhùŋ evi no tsèm, a wen ayi, di’ no ghò’o, di’ to kənyè kə mù’: adi’ to a ji yəso di’i tsu. Bi’i kəzhwi kə mù’ vəghəŋ ə shi li mu a wenə mù’, ko vəghəŋ ndi’ və Jus ko vi’i

*ə tim, ko vəghəŋ ndi'i a kəkəs ;
ko nzhə ankàyn ali mu vəghəŋ ə
nyə li to fa ndoŋ mù' ə wenə ko
di' to kəzhùŋ kə mù' bwen, ali di'
no zhùŋə ghò'və. (1 Colìntyàns
12:12-14).*

Vəghəŋ di'i ə wen ali Yəso di' kətə. Vi' vəbwimə və no vətsəm (ə vyi a və ki'i li ə bwi fighə) di'i ə zhùŋə Wenə Wen di' tò kənyə kə mù'(1 Colìntyàns 12:27). Ndəŋ ndəŋ ando ə zhùŋə wenə wi'i zi ko və lu shwè' nənkwon nənkwon bwèn, vi'i a və di'i a ngəŋ Nyingòn zi ko və ku shwè' ankàyn tò fa vəwenə angəŋ bwèn. Kədi' bi'i ando Nyìngòn ə ku li mə nəkwoŋ nəkwoŋ bè nə təshwè' tə a vi'i a ngəŋ Nyingòn andi ngəŋ Nyingòn ayi se no tsəm.

Ə ndyè a ngəŋ Nyingòn di' la wu zhè gi Nyingòn, be nè la əghəŋ mbwa'sə be di'sə vi' vətsenəvə nə məku mə Nyìngòn-- ə nyè kanəvə, ə chə'ə vi'i be shè'tə nyè a vi'i etc.

Wù mù sè di'i ə tu'tə ə zhə kənyè a vè di'sə a wù,ə zhə ə nyè juŋə və a vi'i shè'tə ə be yen ə nyè kanə və nə ashì a wu. Ə Njimə be ku'sə Nyìngòŋ a kənyè kəmù'ə nè la "Kəzhwì kə Dwo'kə mbwa'sə vi'i a nòyn" ə be ngà'a no ndò to a ji a ghə kwè'ə a wen (Hibùlù 10:25; Acts 1:14; Salms 133:1-2).

Ə shwè'è a gà'a Nyìngòŋ to wù Nyìŋ adi' to nè pfen a wu ku'u a zhè wù faŋ ke ndyè a ngèŋ Nyìngòŋ a ghə di'i mu ghə lwin li nə kəzhwì kə ŋwo'kə. ali ndi' a nkyi ngèŋ nyingòŋ a ghenə ə gyàmtə la wù tu'tə ə kì bi'i wen benə vi'i a vè di'i tsu. Wù be a nè la kə zhwi kə kə kwi (wi' yi a ghə di'i a wù tyì wen li la ghə kwi ə kwè'. Kə nè la ə shwè'e wu a kənyè kə Nyìngòŋ bwa'mə wù be kwi ankàyn.

Ə di'i nè wu bwimə, wù di'i nki' ngèŋ Nyìngòŋ a wù dyè tsu, ə ngèŋ Nyìngòŋ a wu zi wu dzaŋ nè kəbəŋə kə ə be nshwè'è no nyè vyì no tsèm. Abwen ali, wu ahwè mbwa'mə Nyìngòŋ ə be nshwè'e nəkwon fa wen a gà'.

Lu wèn ando wu ki'i li ə bwi fighə ə njè'è
ki wi' a wù di'i wen ali kə a lyè;sə ntsèntə
vi' və bwiməvə (Hibùlù 10:25)- Dyə a ngèŋ
Nyingòn!

Ə KWI

Dwà'lè Nyingòn ə tyiftə və ghən la “Zi’i andi ə di’i ə wenə wu la wù di’ wù shwè’è Nyingòn a ghə ko ki’ kətə kə di’i kə, gà’a kə nyè kə Nyingòn kə nəmwè’è”(2 Timoti 2:15). Ma’ kənə ə nè ə wù ki tə nkyi tə və ɲwà'lè vye sə a wù di’i ndzàɲə andi nkwi a wù kə zhwi. Və ki’ tazi’i be bo’tə ashɪ wu ndi wu;nkwi ankàyn a wù ntsinè, ə be nè ə bwimə wu totə a wu a tyim.

Zen vəwenə. Ə zi’i vəwenə. Nè la ə gà’a Nyingòn ə shwè’è a wù andi wù ki’i ə bayn nè kwitə a wù a ntsinè!

Ə tù’tə əki bi’i shwè’è kə nyè kə Nyingòn a ken nə və ɲwà'lè və Nshè’tə Chris Oyakhilome , ləmə kənə wen a shi venə a və nyo’o a tyi la

To contact the author write:
Pastor Chris Oyakhilome:

United Kingdom:

Unit C2, Thamesview Business Centre
Barlow Way, Rainham, RM13 8BT
Tel.: +44 (0)1708 556 604

South Africa:

303 Pretoria Avenue
Cnr. Harley and Bram Fischer,
Randburg, Gauteng, South Africa.
Tel: +27-11-326 0971,
+27-11-326 0972

Nigeria:

Christ Embassy
Plot 97, Durumi District,
Abuja, Nigeria.

Nigeria:

Plot 22/23 Billings Way, Oregun,
Ikeja, Lagos.
Tel: +234-808 586 5700,
+234-817 198 7339
+234-802 478 9892-3

Please include your testimony or help received
from this book when you write. Your prayer
requests are also welcome.



Chris Oyakhilome, D.Sc., D.D., is the President of LoveWorld Inc., a dynamic, multifaceted, global ministry. As a pastor, teacher, healing minister, television host, and best-selling author, Pastor Chris has a passion to reach the peoples of the world with God's presence—a divine commission he's fulfilled for more than 30 years and helped millions experience a victorious and purposeful life in God's Word.

He's a prolific writer, the author of "Rhapsody of Realities," the world's #1 daily devotional, distributed monthly around the world in over 3,700 languages, in 242 countries. He has also authored more than 30 other books.

Pastor Chris is the pioneer of an online prayer network (@PastorChrisLive on KingsChat) where Christians the world over are mobilized for prayer and intercession, and the host of "Atmosphere for Miracles," a programme that brings God's divine presence right into your home. The scope of his television ministry extends throughout the world with LoveWorld satellite television networks delivering qualitative Christian programming to a global audience.

The world-renowned Healing School is a ministry of Pastor Chris that manifests the healing works of Jesus Christ, and has helped many receive healing through the operation of the gifts of the Spirit.



www.loveworldbooks.org

ISBN 978-978-51521-0-4



English Version